

INTERVJU Wolfgang Petrič, bivši visoki predstavnik u BiH Odgovorni u OHR-u moraju objasniti šta znače sheme!

Nova ofanziva eksperata SAD i EU koja nagovještava paket „Butmir plus“ ne smije zakazati • Zagovornik sam pravovremenog, a ne prijevremenog zatvaranja OHR-a

Razgovarao:
Amil DUČIĆ

Bivši visoki predstavnik u BiH Wolfgang Petrič (Wolfgang Petritsch), koji trenutno obnaša dužnost ambasadora Austrije pri Organizaciji za ekonomsku saradnju i razvoj (OECD), jučer je tokom boravka u Mostaru dao intervju za „Dnevni avaz“, u kojem je uka-

Petrič: Međunarodna zajednica sada sebi ne smije dozvoliti grešku

više šansi. Međunarodna zajednica u BiH sada sebi ne smije dozvoliti grešku. Sjetite se dešavanja nakon veoma dobro planirane američke inicijative za ustavnu reformu. Ona je propala, a prošle su cijele tri godine dok nije došlo do nove inicijative. BiH sebi ne može dozvoliti da čeka neke naredne tri godine. Jer, nema čekanja samog po sebi, ima samo pogoršanje situacije - izjavio je Petrič.

□ **Ali kako očekivati dogovor, ako premijer**

znači apsolutni korak unazad.

□ **Gubi li međunarodna zajednica interes za rješavanje problema u BiH?**

- Postoji dramatično opadanje interesa za BiH, ali tu je i faktor koji se zove kvalitet angažmana. SAD sa Barakom Obamom (Barack) jeste povratila interes za BiH, ali je njen stvarni interes u Afganistanu, Iraku i kod reforme zdravstva u državama. Neophodno je da SAD budu angažirane u BiH, ali procese mora voditi EU.

Mandat EUFOR-a

□ **Tokom boravka u našoj državi ruski ministar vanjskih poslova Sergej Lavrov je izjavio da hitno treba riješiti pitanje OHR-a i njegove transformacije u ured specijalnog predstavnika EU (EUSR). Signali iz EU su takvi da BiH ne može dobiti status kandidata sa Uredom visokog predstavnika...**

- Slažem se s Lavrovom da se treba okončati mandat OHR-a, ali jasno se mora kazati šta su uvjeti za zatvaranje tog ureda. Bio sam uvijek zagovornik pravovremenog, a ne prijevremenog zatvaranja OHR-a i prelaska na EUSR. Međutim, vidim da su uvjeti danas manje ispunjeni nego još prije nekoliko godina. S druge strane, EU mora imati jasnu strategiju o priključenju BiH ovoj uniji država. Mora se omogućiti jaki mandat EUSR-a u Sarajevu. Specijalni predstavnik EU mora imati i političku odgovornost i određene ovlasti. Nadalje, u BiH mora biti osiguran duži mandat EUFOR-a. Austrija će tome doprinijeti, s obzirom na to da će naredni komandant EUFOR-a biti Austrijanac.

□ **Kako komentirate skandalozne antibošnjačke sheme nastale u OHR-u, kojima se bošnjačkim vjerskim liderima, političarima i biznismenima montira navodno finansiranje terorizma i druge kriminalne veze i radnje, te ulogu zamjenika visokog predstavnika Rafija Gregorijana (Raffi Gregorian) u svemu tome?**

- Ne mogu dati svoj stav, jer nemam objektivnih informacija o ovom slučaju. U principu, OHR ima kompetencije da na osnovu obavještajnih agencija reagira, kao što je, recimo, bio slučaj Hercegovačke banke u Mostaru. Kada su u pitanju objavljene sheme, mislim da je sada jako važno da odgovorni za ove sheme objasne šta je u njima stvarno, a šta ne. Oni jednostavno moraju objasniti šta te sheme znače!



Skandalozno ponašanje mostarskih političara

Petrič je jučer s učenicima Koledža ujedinjenog svijeta u Mostaru održao javnu tribinu o trenutnoj političkoj situaciji u našoj državi i preprekama koje stoje na njenom evropskom putu. Tokom dvodnevne posjete upoznao se s radom Koledža i edukativnim programom za romsku djecu.

- Nadam se da će političari u BiH ovaj projekt vidjeti kao primjer kako se mogu stvari urediti i kako se može živjeti zajedno. Ovaj koledž, ali i Gimnazija Mostar, su posebne institucije, koje daju nadu za mogućnost uvažava-

nja različitosti - rekao je Petrič.

Govoreći o krizi u Mostaru, Petrič je ocijenio skandalozim ponašanje lokalnih političara. On je postavio pitanje „za šta su ti ljudi uopće plaćeni, ako ne donose nikakve odluke. Podržao je nedavni nalog aktuelnog visokog predstavnika Valentina Incka (Inzko) da mostarski vijećnici moraju tajnim glasanjem izabrati gradonačelnika. Uz Petriča, s učenicima je razgovarala i predsjednica Izvršnog odbora Koledža ujedinjenog svijeta inicijative u BiH dr. Lamija Tanović.

zao na neminovnost uspjeha ustavne reforme na kojoj su angažirani eksperti iz SAD i EU.

Pogoršanje situacije

- Imam opravdanu bojazan da je ono što je pozitivno u butmirskom procesu sada dovedeno u opasnost da propadne i to jednostavno zbog njegovog kratkoročnog planiranja. Ali, raduje me nova ofanziva američkih i evropskih eksperata koja nagovještava paket „Butmir plus“. Ona ne smije zakazati, jer nemamo pre-

RS Milorad Dodik izjavljuje da više ne prihvata nikakve razgovore o ustavnoj reformi u kojima učestvuju stranci? Da li dolazi do još veće radikalizacije stanja u BiH?

- Mislim da je to potpuno suprotno Dejtonu. Ako Dodik, s jedne strane, brani Dejton, onda, s druge, mora prihvatiti da ovdje u BiH strane diplomate i političari igraju veliku ulogu. Ne mislim da se radi o radikalizaciji stanja, nego o rezignaciji koja je, međutim, često opasnija od same radikalizacije. Ona